

上编 孔子

一、论人生

1. 信念·志向

三军可夺帅也，匹夫不可夺志也。

——《论语·子罕》①

志士仁人，无求生以害仁，有杀身以成仁。

——《卫灵公》

君子可逝也，不可陷也；可欺也，不可罔也。

——《雍也》

朝闻道，夕死可也。

——《里仁》

子曰：“君子谋道不谋食。耕也，馁在其中矣；学也，禄在其中矣。君子忧道不忧贫。”

——《卫灵公》

① 后引此书只注篇名。

司马牛问君子。子曰：“君子不忧不惧。”曰：“不忧不惧，斯谓之君子已乎？”子曰：“内省不疚，夫何忧何惧？”

——《颜渊》

人能宏道，非道宏人。

——《卫灵公》

苟志于仁矣，无恶也。

——《里仁》

德不孤，必有邻。

——《里仁》

克己复礼为仁。一日克己复礼，天下归仁焉。为仁由己，而由人乎哉。

——《颜渊》

子谓子夏曰：“女为君子儒，无为小人儒。”

——《雍也》

子路曰：“愿闻子之志。”子曰：“老者安之，朋友信之，少者怀之。”

——《公冶长》

人无远虑，必有近忧。

——《卫灵公》

或曰：“以德报怨，何如？”子曰：“何以报德？以直报怨，以德报德。”

——《宪问》

士不可以不弘毅，任重而道远。仁以为己任，不亦重乎？死而后已，不亦远乎？

——《泰伯》

求仁而得仁，又何怨？

——《述而》

仁远乎哉？我欲仁，斯仁至矣。

——《述而》

子曰：“人之生也直，罔之生也幸而免。”

——《雍也》

苗而不秀者有矣夫！秀而不实者有矣夫。

——《子罕》

吾十有五而志于学，三十而立，四十而不惑，

五十而知天命，六十而耳顺，七十而从心所欲，
不逾矩。

—— 《为政》

其为人也，发愤忘食，乐以忘忧，不知老之
将至之尔。

—— 《述而》

述而不作，信而好古，窃比于我老彭。

—— 《述而》

如有用我者，吾其为东周乎？

—— 《阳货》

子在川上，曰：“逝者如斯夫！不舍昼夜。”

—— 《子罕》

子欲居九夷。或曰：“陋，如之何？”子曰：“君
子居之，何陋之有？”

—— 《子罕》

子曰：“道不行，乘桴浮于海。”

—— 《公冶长》

子曰：“谁能出不由户，何莫由斯道也？”

—— 《雍也》

子曰：“莫我知也夫！”子责曰：“何为其莫知子也？”子曰：“不怨天，不尤人，下学而上达。知我者其天乎？”

—— 《宪问》

天生德于予，桓魋其如予何？

—— 《述而》

道之将行也与，命也，道之将废也与，命也，公伯寮其如命何！

—— 《宪问》

天何言哉？四时行焉，百物生焉，天何言哉？

—— 《阳货》

获罪于天，无所祷也。

—— 《八佾》

祭如在，祭神如神在。子曰：“吾不与祭，如不祭。”

—— 《八佾》

季路问事鬼神。子曰：“未能事人，焉能事

鬼？”曰：“敢问死。”曰：“未知生，焉知死？”

——《先进》

2. 人格 · 品性

唯上知与下愚不移。

——《阳货》

性相近，习相远也。

——《阳货》

生而知之者上也，学而知之者次也；困而学之，又其次也；困而不学，民斯为下矣。

——《季氏》

君子不可小知而可大受也，小人不可大受而可小知也。

——《卫灵公》

君子学道则爱人，小人学道则易使也。

——《阳货》

子路曰：“君子尚勇乎？”子曰：“君子义以为上，君子有勇而无义为乱，小人有勇而无义为盗。”

——《阳货》

君子上达，小人下达。

—— 《宪问》

君子而不仁者有矣夫，未有小人而仁者也。

—— 《宪问》

不逆诈，不亿不信，抑亦先觉者，是贤乎。

—— 《宪问》

唯仁者能好人，能恶人。

—— 《里仁》

中人以上，可以语上也；中人以下，不可以语上也。

—— 《雍也》

唯女子与小人难养也，近之则不孙，远之则怨。

—— 《阳货》

有德者必有言，有言者不必有德。仁者必有勇，勇者不必有仁。

—— 《宪问》

年四十而见恶，其终也已。

——《阳货》

道不同，不相为谋。

——《卫灵公》

骥不称其力，称其德也。

——《宪问》

3. 功名 · 义利

富与贵，是人之所欲也；不以其道得之，不处也。贫与贱，是人之所恶也；不以其道得之，不去也。君子去仁，恶乎成名？君子无终食之间违仁，造次必于是，颠沛必于是。

——《里仁》

士志于道，而耻恶衣恶食者，未足与议也。

——《里仁》

饭疏食饮水，曲肱而枕之，乐亦在其中矣。不义而富且贵，于我如浮云。

——《述而》

富而可求也，虽执鞭之士，吾亦为之。如不

可求，从吾所好。

——《述而》

君子疾没世而名不称焉。

——《卫灵公》

君子喻于义，小人喻于利。

——《里仁》

邦有道，谷；邦无道，谷，耻也。①

——《宪问》

三年学，不至于谷，不易得也。

——《泰伯》

天下有道则见，②无道则隐。邦有道，贫且贱焉，耻也；邦无道，富且贵焉，耻也。

——《泰伯》

君子之仕也，行其义也。

——《微子》

佛肸召，子欲往。子路曰：“昔者由也闻诸夫

① 谷指俸禄，意为作官。

② 见同“现”，意为出世入仕。

子曰：“亲于其身为不善者，君子不入也。’佛肸以中牟畔，子之往也，如之何？”子曰：“然，有是言也。不曰坚乎，磨而不磷；①不曰白乎，涅而不缁。②吾其匏瓜也哉？焉能系而不食？”

——《阳货》

好勇疾贫，乱也。

——《泰伯》

君子哉蘧伯玉！邦有道，则仕；邦无道，则可卷而怀之。

——《卫灵公》

见利思义，见危授命，久要不忘平生之言，③亦可以为成人矣。

——《宪问》

官仲相桓公，霸者侯，一匡天下，民到于今受其赐。微管仲，④吾其被发左衽矣。岂若匹夫匹妇之为谅也，自经于沟渎而莫之知也。

——《宪问》

① 磷：音lín(吝)，薄也。

② 涅：黑色染料。这里作动词用，染黑之意。

③ 久要：“要”为“约”的借字，贫困之意。

微：假若没有的意思。

子贡曰：“有美玉于斯，韞椟而藏诸？求善贾而沽诸？”子曰：“沽之哉！沽之哉！我待贾者也。”

——《子罕》

二、论修养

1. 道德·修养

躬自厚而薄责于人，则远怨矣。

——《卫灵公》

夫仁者，己欲立而立人，己欲达而达人。能近取譬，可谓仁之方也。

——《雍也》

人而不仁，如礼何？人而不仁，如乐何？

——《八佾》

巧言令色，鲜矣仁。

——《学而》

巧言、令色、足恭，左丘明耻之，丘亦耻之。匿^奴而有其人，左丘明耻之，丘亦耻之。

——《公冶长》

君子病无能焉，不病人之不己知也。

——《卫灵公》

不患无位，患所以立。不患莫己知，求为可知也。

——《里仁》

不患人之不己知，患其不能也。

——《宪问》

主忠信，徙义，崇德也。爱之欲其生，恶之欲其死，既欲其生，又欲其死，是惑也。

——《颜渊》

君子无所争。必也射乎！揖让而升，下而饮，其争也君子。

——《八佾》

子贡问君子。子曰：“先行其言而后从之。”

——《为政》

法语之言，能无从乎？改之为贵。巽与之言，能无说乎？绎之为贵。说而不绎，从而不改，吾未如之何也已矣。

——《子罕》

丘也幸，苟有过，人必知之。

——《述而》

君子之过也，如日月之食焉；过也，人皆见之；更也，人皆仰之。

——《子张》

见贤思齐焉，见不贤而内自省也。

——《里仁》

子曰：“宁武子，邦有道，则知；邦无道，则愚。其知可及也，其愚不可及也。”

——《公冶长》

博学而笃志，切问而近思，仁在其中矣。

——《子张》

德之不修，学之不讲，闻义不能徙，不善不能改，是吾忧也。

——《述而》

里仁为美，^①择不处仁，焉得知。

——《里仁》

君子博学于文，约之以礼，亦可以弗畔矣

里：在这里当看作动词，居住。

夫。

—— 《雍也》

子绝四—— 毋意，毋必，毋固，毋我。

—— 《子罕》

子曰：“论笃是与，君子者乎，色庄者乎？”

—— 《先进》

仁者先难而后获，可谓仁矣。

—— 《雍也》

贤者辟世，其次辟地，其次辟色，其次辟言。

—— 《宪问》

不在其位，不谋其政。

—— 《泰伯》

君子求诸己，小人求诸人。

—— 《卫灵公》

见善如不及，见不善如探汤。吾见其人矣，吾闻其语矣。隐居以求其志，行义以达其道。吾闻其语矣，未见其人矣。

—— 《季氏》